

# Mia lavur, mia amur

■ **Tgei fas en la veta? Ed eis single ni vivas ensemen cun zatgi? Quei ei dus dils aspects che vegnan tematisai savenz sch'ins empren d'enconuscher zatgi.** Filip Cola ch'eis carschius si a Ruschein ha mess igl onn vargau dus clars accents en quellas domenas dalla veta. El ch'eis scheff dalla hotellaria en ina casa da vegls e da tgira, ha midau plazza e lavura ussa a Wängi/TG. Ed el ha fatg ina gronda fiasta da nozzas ed ha maridau siu partenari da veta.

Cola ei hosp en la proxima occurrenza «da cuminanza a Ruschein – la sera dils treis», margis, ils 3 da settember. El raquenta pertgei che sia lavur dat senn e cumentientscha ad el, pertgei ch'eis sescolecha vinavon e pertgei ch'eis discuora aviartamein da homosexualidad.

Igl onn 1983, cura ch'eis ei naschius, vegneva ei discurriu el Grischun sulettaein el tschelau da homosexualidad. Mo davos noda vegneva ei fatg era tier nus remarcas senza respect sur da «caulds», in'expression pegiurativa per homosexuals. Mo era en gronds marcaus era homosexualidad ina «caussa» dubiusa, gie schi-



**Filip Cola ei carschius si a Ruschein.** MAD

zun scandalusa. El marcau da Turitg dils onns 50 dil davos tschentaner eran persunas homosexualas confruntadas cun repressiuns, razzias e registers. Oz san ins quasi buca capir che quei tema aschi vegls sco la carstgaunadad era avon paucs de-

cennis aunc zugliaus en in vel da silenzi, turpetg e malsegirtad dad ina vart e da smanatschas, scamonds e castitgs dall'autra vart. Ils davos onns ei semidau bia en quei connex. Temas da gender ein actuels e vegnan discutai libramein, buca mo en las medias, mobein era en famiglias communicativas e dad in spért aviert.

Cola fa negin misteri ord sia homosexualidad. Ed el ha bia da raquintar punto tabus, remarcas discriminontas e pregiudezis. Tipic per el ei sia aviartedad, sinceridad e directedad. Cura ch'eis ei s'interessaus per sia nova plazza, ha el menziunau il pli emprem che sia gronda amur seigi in um, ed el ha vuliu saver clar e bein dils eventuais novs patrunz co quei seigi per els. Lezs han rispondiu: Negin problem. Mo el ei era vegnius confruntaus cun otras reacziuns en sia veta. En la sera «da cuminanza a Ruschein» vegn el a tradir zacons musters.

**«Mia lavur, mia amur»,** margis, ils 3 da settember 2019 alias 20.15, casa da scola Crestas, Ruschein. Dapli sin [www.dacuminanza.ch](http://www.dacuminanza.ch)

Maria Cadruvi